

OLIMPIADA NAȚIONALĂ DE LIMBA RROMANI

ETAPA JUDEȚEANĂ

07 MARTIE 2026

ANUL IX DE STUDIU

- Savorre subijektură si musajutne.
- Den pen ivăthe 10 pùnkture.
- E butăqo vaxt si 3 òre.

O JEKHTO SUBIJÈKTO

32 pùnkture

Del pes o tèksto:

O Gabriel Stòjka biandās pes kaj 28 oktòbro 1975, and-o fororro Măcin andar o žudèco Tulcea, pesqi daj isindoj i Maria Moise, thaj pesqo naturàlo dad isi lesqe pànda bizanglo. Pesqe daja sasas les te arakhel la palal so o Gabriel Stòjka prandizisanilo thaj rodindās la ka-e ispidimata pesqe rromnāqe. Vov si o kòrkorro andar kodola ehta phrala, e saves lenqi daj dias les ka-o kher éhavorrenqe. Avdīves, o Gabriel Stòjka patāl kaj, zi kaj agor, laqi decizia arakhlās les kaθar e nasulimata e phuvāqe, kodolesqe reslāsas nasul kana ačhilāsas khere.

O Gabriel Stòjka kerdās kaj i Tulcea e anglutne star klāse (kaj i Generàlo Škòla o gin 2, maškar e berša 1982-1986), e gimnaziàla klāse - k-i Generàlo Škòla o gin 2 (1986-1990) vi e licevosqe klāse - ka-o Školutno Industriàlo Metalùrgiko Grùpo (1994-1999). Zi kaj 18 berša, kadava živdās anda institucionàlo sistèmo, palal, vov sas mukhlo pa droma, isindoj tangārdo te sovel jekh kurko p-e skamina andar e ažukāripnasqi sàla arakhli and-i gàra e sastrutne dromenqi e Tulceaθar, than kaj vov si arakhlo kaθar varesave voluntārā e Baptistikane Khangerāqe. Kadjal, vov avel and-e edukaciaqe progrāmūrā e Fondaciaqi „Baxt” thaj, palal, liel pesqe buti sar magazinèro školutne lilenqo kaj o Školutno Žudecosqo Inspektoràto Tulcea. Kathe, sasas les i okàzia te arakhel kaθar i inspektòrka vaš rroma, i Alina Pădeanu, palal o šajutnipen te siklòl i xasardi pesqi dajutni éhib thaj, kadjal, o Gabriel Stòjka avel, maškar 2-19 jùlio 2002, ka-e themutne milajesqe kùrsurā e rromane éhibāqe vi e metodikaqe siklāripnasqi kadale éhibāqo thavdine ka-o Lacul Sărat (O Londo Talo, o žudèco i Brăila), organizisarde vi koordinisarde katar o prof. Gheorghe Sarău, khethanes e Ministerioča e Edukaciaqo thaj e Rodipnasqo vi e ažutipnača dino katar UNICEF.

O Gabriel Stòjka kerel pànda jekh phird, arakhel kathe palal o isipen jekhe strukturaqo vaš o anglokeripen e institutorurenqo – le siklārnenqo rromane éhibāqe kaj universitàro nivèlo thaj, maškar e berša 2001-2005, si studènto k-o Departamènto CREDIS vaš putardo siklòvipen dural andar i Universitèta București, liindoj pesqe diploma anda jùnio 2005, e butāča „Nașterea și botezul. Practici și obiceiuri la rromi din perioada copilăriei” [O biandipen vi o bolipen. Pràktike thaj ácara kaj rroma andar i periòda e éhavorripnasqi].

Andar 2002, kaj jekh berš palal so vov reslāsas studènto ID, o Gabriel Stòjka inkerel òre rromane éhibāqe, sar siklārno kaj o kùrso kalifikaciaqo, k-i Generàlo Škòla o gin 3 andar i Tulcea, tha’ kerel vi but nevutne aktivitèturā and-o školutno jekhipen vi and-o thanutno komunitèto andar i Tulcea, e rromane siklòvnenča, buti savi ingerel kaj lesqo akharipen, kerdo katar o baredèri e Municipiosqo i Tulcea, o raj o Mocanu Constantin, and-o berš 2004, sar konsilèro vaš e rromenqe pučhimata, xatārel pes, paralelone éhandesqe pesqe didaktikane butāča. Andar kadaja pozicia, vov resel te del vast kaj o inklòvipen po bute katedrenqo rromane éhibāqe and-e škòle e Tulceaqe, te aven line sastipnasqe mediàtorurā kaj i Dirèkcia vaš i

Asistència vi e Sociàlo Arakhipen, kadaja kerindoj pes vi e azutipnaça e themutne formatorurenqo and-i sanitàro mediàcia - e rromane terne: i Mariana Buceanu thaj o Titi Rădulescu – solduj kaθar i Romani Criss.

O Gabriel Stoica odărel, sa kadjal, o jekh to ansămblo e rromane tradicionalone khelimenqo - "Phralipen" -, kerdo andar rromane ternore thaj terne, e savença liel rig kaj thanutne, themutne vi maškartthemutne festivăloră thaj konkursură, liindoj importănta thana. Jekh aver than afirmaciaqo sas, sar ekzemplo, i Parăda e rromane tradicionalone phiravipnasqo vi e khelipnasqo, andar e e milaja e berşenqe 2006 thaj 2007 kaj Costineşti. Xatărel pes, and-i periôda e berşenqi 2004-2008, kozom sas vi konsilêro e barederiesqo e Municipiosqo Tulcea, o Gabriel Stôjka dias vast kaj but rromenqe familie k-aşti te lien sociàlo khera, butăqe thana, sigalo lovenqo vastdinipen, sa kadjal, vov sas pašal e dajale asistêntură, saven sasas len anda godorvalipen çhave, dias svătură k-e rromane familie sar e rromane ternore thaj e terne te zan te siklôven k-o licêvo vaj k-i profesionàlo škòla, ka-i fakultêta, thodăs o phiko kaj e rromane siklôvne vi e studêntură te lien stipêndie.

O Gabriel Stôjka, nevărindoj vi po dur, kerel, and-o berş 2007, o Grûpo vaş e iniçiative le rromane ternenqe e Tulceaθar, sa kadjal, liel pes, berşutnes – astarindoj andar 2008, sar organizatôro e Źudecosqi olimpiadaqo e rromane çhibăqi, e Źudecosqo konkursosqo palal i istòria vi e tradicie le rromenqe. Tha' o Gabriel Stôjka na ačhavel pes kathe, vov buxlărel pesqe o anglekeripen vi o lačharipen e zanglimatenqo kaj o lèvelo e uprutne siklăripnasqo, avilindoj, maşkar e berşa 2006-2009, kaj i Fakultêta palal i Psihologia andar i Ekologikani Universiteta andar Bucureşti (agorutne ekzamenocă anda „psihologia”, i sèsia 2009). Andar o berş 2007, paruvet o than katar i Şkòla o gin 3 Tulcea k-i Profesionàlo Şkòla „Danubius” andar sakodova fòros, kaj vi avdîves siklărel, tha', sajekhe vrămaθe, astarindoj andar o berş 2008 thaj zi akana, o Gabriel Stôjka si vi şkolutno inspêktoro le rromenqo kaj o Şkolutno Źudecosqo Inspektorato Tulcea. Vov rodel te opreinkerel pesqe e grădură andar siklăripen (anda 2010 – definitivato, and-o berş 2017 - o II-to grădo, palal, and-o 2021, vi o I-to grădo).

Kodobor but si Źutisardo o Gabriel Stôjka ka-o thanutno nivêlo dikhlăs pes and-o milaj e berşesqo 2014, kana vov kerdăs ni jekhe doşacă i Themutni olimpiada e rromane çhibăqi ka-i Tulcea. Dikh, vi kadalaθar, vov sas akhardo kaθar o Ministêro e Edukaciaqo, astarindoj andar 2015, sar o secretăro e Themutne olimpiadaqo e rromane çhibăqi.

Manuş loşalo, aŹukăralo lačhesθe, zumavalo, o Gabriel Stôjka sikavel kaj na si lesqe tème bi te aven lačhărde/ agordine lesθar!

1. Xramosaren savo si o tîtulo, o autôro thaj o mesăzo le tekstosqo din omaj opre!
6 pûnktură
2. Arakhen e sinonimură vaş e alava: *Źutisardăs, akharipen, biandăs pes, opreinkerel*.
4 pûnktură
3. Roden thaj xramosaren, andar o dino têtsto, trin sarnavnă/ pronòmbrură! Xramosaren savo si lenqo fălo thaj lenqo kèzo.
6 pûnktură
4. Roden thaj xramosaren, andar o dino têtsto, duj rromane buxle pašnavnă/ adŹektivură. Xramosaren k-o savo komparaciaqo grădo si von.
4 pûnktură
5. Roden thaj xramosaren, andar o dino têtsto, trin paškernavnă/ advèrbură! Xramosaren savo si lenqo fălo.
6 pûnktură
6. Roden thaj xramosaren, andar o dino têtsto, trin kernavnă/ vèrbură save si ka-jekh bizenutno mòdo. Xramosaren k-e savo mòdo si von.
6 pûnktură

O DUJTO SUBIJÈKTO

58 pùntură

1. Ambolden gažikanes e anglutne duj alineătură andar o tèksto din omaj opre!
18 pùntură
2. Nakhaven i kernavni/ o vèrbo „*avel – a veni*” ka-e savorre zenutne mòdură!
12 pùntură
3. Keren jekh propozìcie e alaveça „*naj*” thaj aver e vortogramaça „*na-i*”.
6 pùntură
4. Thon/ Nakhaven i sarnavni/ o pronòmbro „*kadava*” ka-e savorre kèzură ka-o jekhipen.
6 pùntură
5. Ambolden and-i rromani čhib!
16 pùntură
 - a) Fratele prietenului meu ar dori să studieze la una dintre cele mai bune universități din țară.
 - b) Ediția de anul acesta a Olimpiadei Naționale de Limba Rromani se va desfășurată în orașul Târgu Jiu, în perioada 15-18 aprilie 2026.
 - c) În România, elevii rromi vorbesc mai multe dialecte, însă la școală ei învață limba rromani comună.
 - d) Dacă dorești să vii cu mine în excursie, îți voi plăti eu toate cheltuielile de transport, cazare și vizitele la obiectivele turistice renumite.